

Dr. Martin Luther's

Enchiridion,
or
Small Catechism

Tha Kidawng Bu

(Tedim Kam)

Translated by:
Rev. Thanghankham Neihlai
Executive Secretary
Upper Myanmar Evangelical Lutheran Church
Kalaymyo: Myanmar

2007

THU KIDAWNG BU

KHENPI 1

THUPIAK SAWMTE

Innsunga om pa in baihlamtak a hilh in sinsak ding ahi hi.

Thupiak khatna:

Keimah longal Pasion dang na bia kei dinguh hi.

Dotna: Bang a cihna ahi hiam?

Dawna: Eite in na khempeuh sangin ih Pasion lau in itna taktawh ih bia zaw ding hi.

Thupiak nihna:

Topa note Pasion min a sia lam in na zang kei dinguh hi.

Dotna: Bang a cihna ahi hiam?

Dawna: Eite in ih Pasion launa leh itna lianpi neih ding cihna ahi hi. Hamsiatna-te, kiciamnate, mitphial dawite, zuau gennate, mikhemnate Pasion min suangin ih zang kei ding hi. Ahi zongin Topa tungah a hun zui a ih kitangsapnate, thunget nate, lungdamna kohna leh pahtawinate ah Pasion min ih zat zawk ding ahi hi.

Thupiak thumna:

Sabbath-ni a siangtho a zat ding phawk un.

Dotna: Bang a cihna ahi hiam?

Dawma: Eite in ih Pasion launa leh itna lianpi neih ding cihna ahi hi. Pasion kammal thugennate thusim lohna ih neih loh ding ahi hi. Ahih hangin a kilawm sianthona, lunglut tak a zakna tawh ih sinsak zawk ding ahi hi.

Thupiak lina:

Na nu leh pa zahtak un.

Dotna: Bang a cihna ahi hiam?

Dawma: Eite in ih Pasion launa leh itna lianpi neih ding cihna ahi hi. Huatna ahi zongin hehsakna ahi zongin ih nu leh ih pate tungah neih loh ding ahi hi. Tua mah bangin zahtakna, amau adinga na sepsakna, thu manna, itna tawh amaute ih thupi ngaihsut ding cihna ahi hi.

Thupiak ngana:

Mi na that kei ding hi.

Dotna: Bang a cihna ahi hiam?

Dawma: Eite in ih Pasion launa leh itna lianpi neih ding cihna ahi hi. Ih veng ih pamte pumpi tung liamsak lo ding ahih keileh siatsak ding ahi kei hi. Ahi zongin haksatna khat peuhpeuh ah lawmta bangin panpih ding ahi hi.

Thupiak gukna:

Nu-le-pa mawhna na bawl kei ding hi.

Dotna: Bang a cihna ahi hiam?

Dawma: Eite in ih Pasion launa leh itna lianpi neih ding cihna

ahi hi. Sianthona sepkiat ding ih neihte tungtawn in pasal leh zi khat-le-khat itna zahtakna neih ding ahi hi.

Thupiak sagihna

Na na gu kei dinguh hi.

Dotna: Bang a cihna ahi hiam?

Dawma: Eite in ih Pasion launa leh itna lianpi neih ding cihna ahi hi. Ih veng ih pamte sum leh pai neihsakte, a man pia lo pi-a laksak leh deihgawh ding ahi kei hi. Ahih hangin huhna tawh amaute hoihlam manawh toh leh a neihsa uh kep bit ding ahi hi.

Thupiak giatna:

Na vengte langkhat ah a manlo teci na pang kei dinguh hi.

Dotna: Bang a cihna ahi hiam?

Dawma: Eite in ih Pasion launa leh itna lianpi neih ding cihna ahi hi. Khemna, matsakna ahih keileh ih vengte gensiatna tawh mihing lungsim phut dan liamsak siatsak khak loh ding ahi hi. Ahang bel amaute vengbit in hoih hopih in a sepna peuh uhah a hoihpen lamin ngaihsut zawk ding ahi hi.

Thupiak kuana:

Na vengte uh inn na deihgawh kei dinguh hi.

Dotna: Bang a cihna ahi hiam?

Dawma: Eite in ih Pasion launa leh itna lianpi neih ding cihna ahi hi. Ih vengte inn leh lo, a gante uh khem in laksak in, paulap zong in ngah ding ahi kei hi. Ahang bel amaute huh in, panpih in kep pih ding ahi hi.

Thupiak sawmna:

Na vengte uh zi hita leh ama nasem nu, nasempa hita leh ama gante hita leh na vengte a ahi na khat peuhpeuh na deihgawh kei dinguh hi.

Dotna: Bang a cihna ahi hiam?

Dawma: Eite in ih Pasion launa leh itna lianpi neih ding cihna ahi hi. Ih vengte zite a nasemte leh a gante uh laksak, sut, beisakna neih loh ding ahi hi. Ahih hangin amaute thuzawh in om in a nate uh sepsak zawk ding ahi hi.

Dotna: Thupiak khempauh bang a genna ahi hiam?

Dawma: Pasion in hih bangin gen hi. Keimah na Topa Pasion un a haza Pasion ka hi hi. Pate gitlohna uh mukhia in, khangthum khanglina ciang dong a thuk Pasion ka hi hi. Mi tul tampite tungah ka hehpihna leh itna, ka thupiakte zuih ding ka lak hi a ci hi.

Dotna: Bang a cihna ahi hiam?

Dawma: Pasion in hih ka thupiak a botsia peuhmah dan ka pia ding ahi a ci hi. Tua ahih manin Pasion hehna kihta in, thupiak sawmte zatkhialh loh ding cihna ahi hi. Ahang bel ama thupiak a zui mi lhempeuh tungah hehpihna hoihna leh thupha namkim ka ciam bangin ka pia ding hi ci hi. Tua ahih manin eite in ih Pasion it in, muang in lungdamtak in a thupiakte ih zuih ding cihna ahi hi.

KHENPI 2

UPNA BULPI (THE CREED)

Innsunga om pa in baihlamtak a hilh in sinsak ding ahi hi.

Thu khatna:

Bawlma rawh kisai (of the creation)

Na khempeuh a bawl thei Pasion, lei leh van bawlpa ka um hi.

Dotna: Bang a cihna ahi hiam?

Dawma: Pasion hinna nei a hong bawl hi cih ka um hi. Tua-te Pasion hong piak pumpi, kha, mit, bil, khut leh khe ka ngaihsut theihna a hang khempeuh tuni dongin kembit ahi hi. Tua mah bangin nikten puansilh, an leh tui, inn leh lo, zi leh ta, gam leh ganhingte, neihsa khempeuh zong kembit ding ahi hi. Pasion in keimah hauhna leh nisim nuntakna dinga kisam hong sik to zel ahi hi. Lauhuaina pan hong cing hi. Siat ngaihsutna omte pan hong cingin hong kem den hi. Pa bangin hoihna bukim leh hehpihna citna kilawmte ah lungsim dang nei lo hi. Tua sep ding tavuan khempeuh tungah lungdam ko in phatna, a na sepna, thu manna ih neih ding ahi hi. Hih thu in ciantak in aman takpi ahi hi.

Thu nihna:

Tatkhiatna (of Redemption)

A Tapa khat Jesu Khrist i Topa ka um hi. Amah pen Kha Siangtho in gaisak-a Nungak siangtho Mari sung pan mihingin hong piang hi. Pontias Pilate khutnuai ah bawlsiatna thuak in,

Singlamteh tungah kikih a, a sih khit ciangin kivui hi. Misite khua hell khuk sungah tuaksuk a, nithum a cin ciangin misite lakpan in a thokik hi. Vantungah kahto a, na khempeuh a bawl thei Pa Pasion taklam ah a tu hi. Tua mun pan in misite leh mihingte' thu khen dingin hong paikik ding hi;

Dotna: Bang a cihna ahi hiam?

Dawma: Keimah in Jesu Khrist ka um hi. Thu man Pasion ahi hi. tawntung a Pa kiang pan in nungak siangtho Mari sung panhong suakkhia ka Topa ahi hi. Manthanna mawhsakna khempeuh pan kei hong tankhia pa ahi hi. Tua bek hilo ngun leh khamte hang zong hilo in, sihna leh kha gilote nasepna sung pan hong tankhia pa ahi hi. A sisan manpha leh ama sianthona, khialhna nei lopi a gimna hong thuaknate leh sihna hong thuaknate hangin kei ama a ka hi ta hi. Ama van-gam ah khialhna kihel lo thupha namkim tawh in ama na thuman tawntungna tawh ka sem ding hi. Amah sihna pan a tho kikin khang tawntung in a mang den ding hi. Hih thu pen thuman thutak ahi hi.

Thu Thumna:

Sianthosakna (of Sanctification)

Kha Siangtho Pasion; Pawlpi siangtho; Misiangthote kithuahkhopna; Mawhna maisakna; Pumpi thawhkikna; leh Tawntung nuntakna ka um hi. Amen.

Dotna: Bang a cihna ahi hiam?

Dawma: Jesu Khrist ka Topa ka um hi. Keima ut thu leh ka hatnate hang ahih loh lam ka thei hi. Ahang bel Kha Siangtho in lungdamnathu tungtawn in kei hong sam ahi hi. Upna maan zuihna hangin sianthosakna, hong piak letsongte in hong navaksak ahi hi. Hong sap leitung mi Khristian

khempeuhte in sianthosakna theihciansak ding ahi hi. Upna maan khat bek tawh Jesu Khrist sunga kipawl khopna kepbit ding ahi hi. Khrist pawlpi cih thu um mite in nisim mawhna khempeuh maisakna sungah a om ahi hi. Nitawpni ciangin Khrist a um a sisa khempeuh tho khawm dinguh a nuntak tawntungna ngah khawm ding cihna ahi hi. Hih thu in thuman thutak ahi hi.

KHENPI 3

TOPA THUNGETNA (THE LORD'S PRAYER)

Innsunga om pa in baihlamtak a hill in sinsak ding ahi hi.

Thu patna:

“Vantunga om kote Pa aw, ...

Dotna: Bang a cihna ahi hiam?

Dawma: Pasion in eite hangsan tak a amah Pa a ih neih ding hong deih hi. Thuman thutak tawh ih pa Pasion up ding cihna ahi hi. Eite ama ta taktak ih hi hi. Lungdamtak in na khempeuh ah muanna tawh ama kiangah thu ih nget ding ahi hi. Tate in a it a Pa tungah a deih a nget mah bangin vantung a om ih pa tungah ih nget ding cihna ahi hi.

Ngetna khatna:

Na min siangtho ta hen:

Dotna: Bang a cihna ahi hiam?

Dawma: Pasion min a siangtho taktak ahi hi. Banghang hiam

cihleh eite inthu ih nget ciangin ih nget ih thumnate amah siangtho mah bangin siangtho tak a ama kiangah nget ding cihna ahi hi.

Dotna: Bangci bangin tangtung ding ahi hiam?

Dawma: Pasion kammal a kihilh ciangin a maan a dik a zat ding cihna ahi hi. Eite Pasion tate ih hih mah bangin siangtho nuntakna tawh kalsuan ding ahi hi. Tua bang nuntakna in vantung a om ih pa thupha leh hahna ngah ding cihna ahi hi. Ahih hangin thuhilh mi khempeuh in Pasion kammal a hihna dungzui in a nuntak ding cihna ahi hi. Eite in vantung a om Pa Pasion min siangthosak den ding cihna zong ahi hi.

Ngetna nihna:

Na gam hong piang taheh.

Dotna: Bang a cihna ahi hiam?

Dawma: Eite thungetna hang hilo in Pasion ukna gam hong takpi ding ahi hi. Ahih hangin eite in thumna ih nget leh eite tungah hong piang ding cihna ahi hi.

Dotna: Bangci bangin tangtung ding ahi hiam?

Dawma: Vantunga om eite Pa in Kha Siangtho hong piak ciangin ama hehpihna hang tawh a siangtho kammal a um thei bek ihi hi. Ih nuntak sungin Pasion zahtakin ih om leh tawntung nuntakna ngah takpi cihna ahi hi.

Ngetna thumna:

Vantungah na deihna a kicin mah bangin hih leitungah zong piang taheh.

Dotna: Bang a cihna ahi hiam?

Dawma: Pasion hoih hi. Eite thunget zawhna hang hilo in a

kilawm a hoihsak taktak cing cihna ahi hi.

Dotna: Bangci bangin tangtung ding ahi hiam?

Dawmna: A kisel cip Pasion min siangtho, kha gilote thuhilhna (dawi mangpa deihna, leitung nate leh ci-le-sa deihnate) hangin Pasion ukna gam a kidalna khempeuh Pasion in susia mang khin cihna ahi hi. Ahang bel eite hong thahatsak in, nuntakna a bei dongin ama kammal ah upna kip neih ding ahi hi. Hih in Pasion hehpihna leh a hoihna hang ahi hi.

Ngetna lina:

Tuni a ka khamkhop dinguh an hong pia in.

Dotna: Bang a cihna ahi hiam?

Dawmna: Hong pia taktak Pasion ahi hi. Eite thungetna hang zong hi lo in, mi gilote in nisim annek tuidawmna nangawn a pia hi. Banghang hiam cihleh eite thu ih nget ciangin Pasion in theihtheihna hong guan in, lungdamkohna tawh nisim annek tuidawn ngah ding cihna ahi hi.

Dotna: Bangci bangin nisim an piang ahi hiam?

Dawmna: Ih nuntak theihna dinga ih pumpi ading a kisai kha na khempeuh ahi an, tui, nikten puansilh, inn leh lo, gan leh sum, neihsa vante, Pasion hong piak zi leh pasal, tu-le-ta, sila leh makai muanhuai, kumpi hoih, khuahun hoih, cidamna, pilna, zahtakna, lawm hoih neih, leh veng muanhuai cihte ahi hi.

Ngetna ngana:

Midangte mawhna ka maisak mah bangin kote mawhna zong hong maisak ta in.

Dotna: Bang a cihna ahi hiam?

Dawma: Eite in van a om ih Pa kiangah thungetna tawh ih nget ding cihna ahi hi. Amah in ih mawhnate en lo in ih ngette a hong pia ahi hi. Ih thungetna khempeuh eite siamna, kicinna hang ahi kei hi. A hang bel ama hehpihna hang bek tawh na khempeuh ah thukimna ih ngah thei bek ihi hi. Nisim mawhna a kilawm a kituak omte gawtna piak ahi hi. Tua ahih manin eite lam pan in lungsim taktak tawh maisak zawhna leh ih tung a hong mawhte tungah gamtat hoih ding lunggulh ding ahi hi.

Ngetna gukna:

Ze-etna hong thuaksak kei in.

Dotna: Bang a cihna ahi hiam?

Dawma: Pasion in kuamah ze-et ngei lo hi. Eite in Pasion kiangah thu ih nget ciangin leitung dawimangpa khut sung pan hong hu, hong cingin liratak in hong kem hi. Ih ci-le-sa deihnate in hong khem zo lo in, up khialhna leh lungkiatna lo tawhzumna om lo in gamtat hoih ding cihna ahi hi. Hon kikhem thei ahih manin a tawp dongin gualzawhna nei det ding ahi hi.

Ngetna sagihna:

Gilopa kiang pan hong honkhia in.

Dotna: Bang a cihna ahi hiam?

Dawma: Eite in khemna thuak loh ding thu ih nget ciangin vantunga om ih Pa Pasion in gilopa ngaihsut hoih lohna khempeuh pan pumpi leh kha, neihsa zahtakna om khempeuh pan in hong honkhia ahi hi. Topa aw ka hun uh hong tun ciangin lung nuamtakin hong beisak in, na hehpihna tawh leitung dahnaté bei in vantungah nuamtaka om ding cihna ahi hi.

Amen.

Dotna: Bang a cihna ahi hiam?

Dawma: Kei thungetna kiciantak in vantunga om eite Pa in hong za in hong dawng hi. Thu ih nget ciangin tua banga nget ding zong a hong hilh ahi hi. Amen, Amen: Tua bang tektek in piangta hen.

KHENPI 4

A SIANGTHO TUIPHUMNA (THE SACRAMENT OF HOLY BAPTISM)

Innsunga om pa in baihlamtak a hilh in sinsak ding ahi hi.

I

Dotna: Tuiphumna a cih in bang ahi hiam?

Dawma: Tuiphumna ih cih pen tui a kiphum ziau hi lo a, Pasion hong thupiak theihcianna tungtawn a tui sungah a kiphum hibek a, Pasion kammal tawh a kizom ahi hi.

Dotna: Pasion kammal bang ahi hiam?

Dawma: Topa Jesu Khrist in Matt. 28:19 sunga a genna ah, "Note pai un la, gam khempeuh ah ka thu hilh un. Mi khempeuh keima nungzui na suahtak khit uh ciangin Pa min, Tapa min, leh Kha Siangtho min tawh tuisungah na phum un," a ci hi.

II

Dotna: Tuiphumna in bang hong pia ahi hiam? Bang in kimang ahi hiam?

14 *Thu Kedaung Bu*

Dawna: Tuiphumna ii deihna in mawhna maisak cihna ahi hi. Dawimangpa kiang pan leh sihna pan hong honkhia ahi hi. A um mi khempeuhte tungah Pasion thuciamnate in hong telhillna tungtawn intawntung gupkhiatna hong pia ahi hi.

Dotna: Pasion kammal leh a thuciamna cihte bang ahi him?

Dawna: Topa Jesu Khrist in Mark 16 na sunga a gen na ah, "Thu um a a kituiphum peuhmah gupna angah dinguh hi; a um lote in gupna a ngah kei dinguh hi."

III

Dotna: Tui in bang a thupi na sem thei ahi hiam?

Dawna: Tui in bangmah semk thei lo a, Pasion kammal sungah upna muanna tawh a om hizaw hi. Pasion kammal a om kei leh tui in bangmah hi lo in, tui kiphumna zong bangmah hi tuan lo hi. A hang pen Pasion kammal tawh tui a kiphumna in hehpih nuntakna tui ahi hi. A khangkhang in Kha Siangtho tawh kisawpsiang den ding cihna ahi hi. St. Paul in Titus 3:5-7 sungah; " Kha Siangtho in a khangkhang in sawpsiangna leh thaksuahnate eite honpa Jesu Khrist tung pan in ih ngah ahi hi. A hehpihna hangin diktansakna ngah ihi hi. Hih thu in thuman thutak ahi hi. Ahih kei leh muanhuai mahmah hi.

IV

Dotna: Tuiphumnabang a cih nopna ahi him?

Dawna: Tui sungah kiphumna in ih sunga a om Adam ngeina lui nisim dahna, kisikna, mawhna hanga siat theihna khempeuh leh kha gilote bawlsiatna pan thaksuah in

Pasian mai ah thuman thutak sianthona tawh nisim a nungta ding cihna ahi hi.

Dotna: Koimun ah hih thu kimu thei ahi hiam?

Dawma: St. Paul in Rom a lian 6na sungah:

"Eite Khrist tawh kivui khawm in, tui sungah kituiphumna tawh sihna a lak ihi hi. Tua mah bangin a Pa vangliatna tawh sihna pan a thokik Jesu Khrist hangin eite a thak nuntakna sungah kalsuan thei ihi ta hi."

MAWHNA A PULAK THEINAI LOTE TUNGAH BANGCI HILH DING?

Dotna: Mawh pulakna in bang ahi hiam?

Dawma: Mawh pulakna khen nih in a kikhen hi. Khatna ah: ei mawhnate pulak ding ahi hi. A dang khat pen ih uplahna omlo in Pasian Simpu pa tungtawn in mawhmaisakna ih ngah theih bek hi. Tua in vantung PASian hong piak ahi hi.

Dotna: Bang mawhna ahi hiam ih pulak ding?

Dawma: Pasian mai ah ei mahmah in mawhna khempeuh ka nei hi ei a ih pulak ding ahi hi. Ei leh ei ih kitheihciat kei leh zong 'Topa' thungetna zat ding ahi hi. Ahang bel mawhna pulak pen in a mawhna bek leh a lungtang sunga a thuak khempeuh pulak khiat ding ahi hi.

Dotna: Tu ate bang ahi hiam?

Dawma: Thupiak sawmte tungtawn in ih dinmun ih ki-et ding ahi hi. Tua ahih manin nang pen pa leh nu, tapa leh tanu, tonu leh sila nu-le- silapa cih na kitheih ding ahi hi. Thu

manglo, citak lo, thadah, hehhat, siangtho lo (nupa kal), kammal zakdahhuai cihte na kitheih ding ahi hi. Gamtatna ahih keileh kampauna tawh mite lungtang a liamsak na hi hiam? cih na kitheih ding ahi hi. Guktakna, mite thusimlohna, na khat peuhpeuh a mawkna hiam zawhthawhthu hiam in lausakna tawh na hih kha hiam cihte na kitheih ding ahi hi.

Dotna: A tom in mawhna koici pulak ding ihi hiam?

Dawma: Kong it sia aw, ka mawhna pulaknate hong ngaihsak dingin kong thum hi. Pasion mintawh hong maisak in cih ding ahi hi.

KAM TAWH GEN IN

"Kei mawhnei gina lo gitlohna tawh a kidim Pasion mai ah mawh pulak khia ka hi hi. Ka mawhmateng na mai-ah kong pulak hi. A dangdangte lakpan in kei silanu silapa ka hi hi. Ahih hangin ka topa gen banga manglo a citak lo ka hi hi. Hehna leh hamsiatna tawh a kalsuan ka hi hi. Kei nasep tavuan thu don lo-in, na khempeuh a mawkna in ka paimang khin hi. Kei mahmah in zong gamtat leh kampau uang lua ka zang kha thei zel hi. ka kibatpihte tawh zong ka kitawng thei zel hi. Ka zi tungah zong lungkim lo a phunphunna leh kilang bawlna ka nei kha zel hi. tua ahih manin hihte khempeuh kei ka khial a, hehpihna tawh kei hong maisak in, hih bangin ka om nawn kei ding hi.

Hih bangin tonu leh topa in a gen ding ahi hi

"Na mai ah ka khelhnate un hih bangin kong pulak hi. Pasion minthanna dinga kong ken loh ka zi, ka tate leh ka inn van khempeuh ahi hi. Kei hamsiatna kidim in, siatna lamah etteh tak khat ka hi hi. Gamtat leh kammal siangtho lo zangin, ka vengte ka buaisak in gensiatna tampi ka nei hi. Ngaihsutna hoih lo kinei hi.

[Na khempeuh sepkhiatna tungtawn in Pasion thupiak tawh a kitukalh dinmun dangte ahi hi; mi khat theihtheihna in lungkhamna leh mawhna lianpi hilo in, zong lungkham ding hilo hi. Ahih keileh thah dinga delh, mi dangte mawhna muh siamnate leh mi gimthuaksaknate mawh pulak ding ahi hi.]

Thu hoih lo gen dinga kiciamna ka neihte ciantak in mawh ka pulak hi. Pau hoih lo khat ka zanga, ka sep ding tavuante zong ak gina sep kei hi.

[Tua ciangin khawl in. Mawhna na kiphawk khak kei leh zong (koi ah, banghang hiam, ahi thei khat peuhpeuh) cih amal in lawh kul lo hi. Ahih hangin mawhmaisakna a om ta hi cih na ngah khith teh Pasion mai ah mawhna na neih khempeuh pulakna na neih ding ahi hi.]

MAWHNA PULAK CING SIAMPUPA GEN DINGTE

"Pasion in a hehpihna thupha hong pia ta hen. Na upna hangin hong thahatsak ta hen. Amen."

Tuakhit teh:

Na upna hangin na mawhnate kong maisak mah bangin Pasion in zong hong maisak zo hi.

Mawhna pulak pen in: Hi mah hi sia aw.

Tua ciangin siampupa in, "Na upna bangin hong piang ahi hi. Kei in ih Topa Jesu Khrist thupiakna bangin Pa, Ta, Kha Siangtho min tawh na mawhna kong maisak hi. Amen. Lungmuangtak in pai in.

[Ngaihsutna tungtawn a, lungkham mi khempeuhte leh gentheih ze-etna sunga a om mikhempeuhte mawh pulakna dungzui in siampupa in Laisiangtho kammal tawh a hanthot ding ahi hi. Upna lam ah tha a piak ding zong ahi hi. Hih in mawh pulakna a thei nai lote tungah hilhna lampi ahi hi.]

KHENPI 5

TOPA NITAK AN BIAKNA-TAU (THE SACRAMENT OF ALTAR)

Innsunga om pa in baihlamtak a hilh in sinsak ding ahi hi.

Dotna: Topa nitak an biakna tau cih bang ahi hiam?

Dawna: Topa nitak an biakna tau in pumpi taktak leh eite Topa Jesu Khrist sisan ahi hi. Khomun (moh) leh lenggah tuite zangin Khristian mi khempeuh tungah nek ding dawn dinga hong kipia ahi hi. Hih pen Khrist mahmah in a phuatkhiat ahi hi.

Dotna: Koimun ah kimu thei ahi hiam?

Dawna: A siangtho Evangelist (Pasian thu tangko) masate ahi Matthew, Marks, Luke te mah bangin St. Paul te in a gelh uhi.

Ih Topa Jesu Khrist mi gilote khut ah a kimat ding zan in khomun la-in, lungdamna a koh khit ciangin khomun balnem a a nungzui teng a pia hi. "La un la ne un, hih in keima pumpi satak ahi hi. Hih note tungah hong kipia pen kei nong phawkdetna dingun na hih den un a ci hi.

Tua mah bangin hai zong la a, lungdam a koh khit ciangin lenggahtui a pia ciat hi. "Na vekpi un dawn un hih hai in thuciam thak sungah note mawhna a maisakna dinga a buakhia keima sisan ahi hi. Hih bangin na dawn sim un kei nong phawkna dingin na hih den un." aci hi.

- Dotna:* Nekna dawnnate bang kici zat ding ahi hiam?
- Dawnna:* A kammal in hi bangin ci hi: "Note mawhna maisakna dinga hong kipia ahi hi." A kammal tungtawn in mawhna maisakna, gupkhiatna sungah nuntakna cihte sacrament tungtawn in eite hong kipia ahi hi. Mawhmaisakna a om ciangin gupkhiatna leh nuntak tawntungna zong a om ahi hi.
- Dotna:* A sa ne a, a si dawnna in bang na liangpi semkhia thei hiam?
- Dawnna:* A pumpi taktak a sisan taktak hi ci-a, dawn ding hilo hi. Ahang bel kammal a om dungzui in ama pumpi hong pia in a sisan hong bua ahi hi. Tua kammal tawh kizui in, a sa nekna a si dawnna sacrament zatttheihna ding zungpi a suak hi. Hih kammal a um mite khempeuh tungah a deihna genkhia in ama min hangin mawhmaisakna a ngah ihi hi.
- Dotna:* Topa nitak ankuang a um dingin kuate in kicinna nei ahi uh hiam?
- Dawnna:* Antan thungetna tawh a kiging kholsa, pualam gamtatna pha a nei leh ama kammal, "Hih in note adinga hong kipia na mawhna maina dinguh ahi hi," cih sungah upna kigin kholhna kician a nei khempeuh ahi hi. Hih bang ahi lo mite, ama kammal sungah a kinga lote, uplahna a neite, Topa bia dinga kicinna a nei lote tungah up zawhna neih theihna ding hong gen den ahi hi.